



Broj: 05-11-4718/21

Ilidža, 20.10.2021.godine

Na osnovu čl. 90. Statuta Općine Ilidža – prečišćeni tekst („Službene novine Kantona Sarajevo“, broj 33/10, 18/16), člana 15. Odluke o izvršavanju Budžeta Općine Ilidža za 2021.godinu („Službene novine Kantona Sarajevo“, broj 14/21 od 08.04.2021.godine) i člana 8. Pravilnika o kriterijima, načinu i postupku dodjele budžetskih sredstava za sufinansiranje samozapošljavanja na području općine Ilidža broj: 05-11-4715/21 godine, Općinski načelnik objavljuje:

## **JAVNI POZIV za sufinansiranje samozapošljavanja žena sa područja općine Ilidža**

### **PREDMET JAVNOG POZIVA**

Predmet Javnog poziva je dodjela budžetskih sredstava iz Budžeta općine Ilidža kroz „program samozapošljavanja žena“ sa područja općine Ilidža sufinansiranjem samozapošljavanja.

Cilj Javnog poziva je povećati broj zaposlenih žena i registriranih samostalnih djelatnosti na području općine Ilidža.

Planirana sredstva za ovu namjenu za **2021. godinu iznose 104.000,00KM** – ekonomski kod 614511, a u **Budžetu za 2022.godinu obezbijedit će se sredstva za nastavak realizacije programa sufinansiranja samozapošljavanja žena sa područja općine Ilidža, shodno preuzetim obavezama iz potpisanih ugovora.**

Općina Ilidža će sa korisnicama sredstava sa kojima zaključi ugovor o sufinansiranju samozapošljavanja u skladu sa Zakonom o radu u trajanju od 12 mjeseci od dana registracije djelatnosti isplaćivati poticajna sredstva u iznosu od **600,00 KM** i to za sufinansiranje troškova doprinosa, a u slučaju da je iznos sufinansiranja veći od troškova doprinosa, ostatak iznosa sufinansiranja se koristi za isplatu dijela neto plaće. Navedeni iznos se uvećava za iznos od 400,00 KM koji se dodijeljuje odmah po potpisivanju ugovora, a služi na ime troškova ili dijela troškova za registraciju samostalne djelatnosti. Svi drugi eventualni troškovi padaju na teret korisnika sredstava.

### **SVRHA JAVNOG POZIVA**

Svrha javnog poziva je **podrška samozapošljavanju žena** koje se nalaze na evidenciji JU Službe za zapošljavanje Kantona Sarajevo – Biro Ilidža (dajući prednost nezaposlenim osobama - ženama iznad 35 godina starosti i ženama koje se duže vode na evidenciji JU Služba za zapošljavanje Kantona Sarajevo - Biro Ilidža) i to kroz sufinansiranje samozapošljavanja sredstvima iz Budžeta Općine Ilidža, čime će se omogućiti smanjenje broja nezaposlenih žena, povećati broj zaposlenih žena i registriranih samostalnih djelatnosti.

## PRAVO SUDJELOVANJA

Uslovi za ostvarivanje prava za sufinansiranje samozapošljavanje su da:

- a) je državljanica BiH;
- b) je nezaposlena, prijavljena na evidenciji JU Službe za zapošljavanje Kantona Sarajevo – Biro Ilidža i to prije dana objavljivanja javnog poziva;
- c) ima prebivalište na području općine Ilidža prije dana objave Javnog poziva;
- d) ima osnovne pretpostavke za bavljenje samostalnom djelatnošću na području Općine Ilidža;
- e) do sada nije koristila sredstva za samozapošljavanje od strane JU Službe za zapošljavanje Kantona Sarajevo, Federalnog zavoda za zapošljavanje i Općine Ilidža.
- f) aplikantica nije registrovala samostalnu djelatnost prije objave Javnog poziva.

## KOMISIJA

Postupak nakon provedenog javnog poziva provodi Komisija koju imenuje Općinski načelnik u skladu sa članom 11. Pravilnika o kriterijima, načinu i postupku dodjele budžetskih sredstava za sufinansiranje samozapošljavanja na području općine Ilidža.

## KRITERIJI

(1) Kriteriji za vrednovanje prijave:

a) vrijeme provedeno na evidenciji JU Službe za zapošljavanje Kantona Sarajevo–Biro Ilidža

1.	do 6 mjeseci	1 bod
2.	od 6 mjeseci do 12 mjeseci	2 boda
3.	preko 12 mjeseci	3 boda

b) prema vrsti djelatnosti koju će obavljati

Proizvodnja	10 bodova
Uslužna djelatnost	8 bodova
Poljoprivredna djelatnost i domaća radinost	7 bodova
Ostale djelatnosti	5 bodova

c) prema starosnoj strukturi nezaposlenih osoba

osobe preko 45 godina starosti	10
osobe od 35 do 45 godina starosti	8
osobe do 35 starosti	6

b) Kod istog broja bodova prednost se daje podnosiocu prijave koji je duži period na evidenciji nezaposlenih – Biro Ilidža.

**Napomena: Predmet poslovnog plana ne može biti djelatnost kockanja i klađenja.**

## VREDNOVANJE PRIJAVA

Vrednovanje/bodovanje i odabir aplikanata za podršku samozapošljavanju žena sa područja općine Ilidža kroz sufinansiranje samozapošljavanja sredstvima iz Budžeta Općine Ilidža poticaj zapošljavanju vršit će komisija imenovana od strane Općinskog načelnika.

Nakon provedenog Javnog poziva, Komisija je obavezna da:

- evidentira prispjele prijave;
- razmatra prispjele prijave;
- izvrši vrednovanje/bodovanje prijava koje ispunjavaju uslove i kriterije Javnog poziva;
- sačini listu aplikanata koji su prijavili za podršku sufinansiranja zapošljavanja sredstvima iz Budžeta Općine Ilidža i koji ispunjavaju tražene uslove i kriterije;
- sačini prijedlog Odluke o uplati sredstava iz člana 6. Pravilnika i dostaviti Općinskom načelniku u roku od deset 20 (dvadeset) dana, od dana zatvaranja javnog poziva.

## SADRŽAJ PRIJAVE ZA SUDJELOVANJE U JAVNOM POZIVU

Prijava mora biti potpuna i uz nju mora biti dostavljena sva dokumentacija tražena Javnim pozivom (u originalu ili ovjerene kopije).

Prijava na javni poziv za sufinansiranje samozapošljavanja treba da sadrži:

- a) Pravilno popunjen obrazac prijave sa opisom djelatnosti i poslovnog plana (obrazac prijave u prilogu Javnog poziva),
- b) Kopija lične karte (kopija ovjerena kod nadležne općinske službe);
- c) Potvrda o mjestu prebivališta – CIPS prijava, ne starija od 30 dana, (kopija ovjerena kod nadležne općinske službe);
- d) Potvrdu JU Služba za zapošljavanje Kantona Sarajevo – Biro Ilidža da se aplikant nalazi na evidenciji nezaposlenih - ne starija od 30 dana;
- e) Izjava ovjerena kod nadležne općinske službe da aplikantica nije koristila nepovratna sredstva za samozapošljavanje od strane JU Službe za zapošljavanje Kantona Sarajevo, Federalnog zavoda za zapošljavanje i Općine Ilidža (obrazac izjave u prilogu Javnog poziva),
- f) Izjava ovjerena kod nadležne općinske službe da aplikantica nije izvršila registraciju samostalne djelatnosti prije objave javnog poziva te da će izvršiti registraciju najkasnije 30 dana od potpisivanja Ugovora o sufinansiranju samozapošljavanja na području općine Ilidža i da registraciju samostalne djelatnosti neće odjaviti u roku od 12 mjeseci (obrazac izjave u prilogu Javnog poziva).

## NAČIN PREUZIMANJA POTREBNE DOKUMENTACIJE

Obrazac Izjave (pod e. i f. - na jednom obrazcu) i Prijave na Javni poziv mogu se preuzeti na web stranici Općine Ilidža [www.opcinailidza.ba](http://www.opcinailidza.ba) i Centru za pružanje usluga u Općini Ilidža (info desk), u ulici Butmirska cesta 12.

## **NAČIN PODNOŠENJA PRIJAVE**

Prijave na Javni poziv sa naprijed traženom dokumentacijom podnose se u zatvorenoj koverti na protokol Općine Ilidža ili putem preporučene pošte na adresu Butmirska cesta 12, s obaveznom naznakom: **“Za javni poziv za sufinansiranje samozapošljavanja sredstvima iz Budžeta Općine Ilidža – Služba za privredu i turizam”** i **“NE OTVARAJ”**.

Javni poziv će biti objavljen na službenoj stranici Općine Ilidža ([www.opcinailidza.ba](http://www.opcinailidza.ba)), oglasnoj tabli Općine Ilidža, te oglasnoj tabli Mjesnih zajednica Općine Ilidža i Službe za zapošljavanje Kantona Sarajevo – Biro Ilidža. U jednim dnevnim novinama će biti objavljeno obavještenje o raspisivanju javnog poziva.

Prijave se mogu dostaviti u roku od **20 dana** od dana objave na web stranici Općine Ilidža.

Neblagovremene i nepotpune prijave, neće se razmatrati.

U postupku ovog Javnog poziva Općina Ilidža ne snosi nikakve troškove sudionicima. Prispjela dokumentacija se neće vraćati.

## **VIII OSTALE ODREDBE**

Općina će sa korisnicima sredstava, kojima budu odobrena sredstva, zaključiti ugovor kojima se regulišu međusobna prava i obaveze Općine, kao davaoca sredstava i korisnika sredstava (žene – dobitnice sredstava), u cilju realizacije Programa o sufinansiranju samozapošljavanja na području općine Ilidža, te u narednih 12 mjeseci, od dana registracije djelatnosti isplaćivati poticajna sredstva u iznosu od 600 KM (mjesečno), i to za sufinansiranje troškova doprinosa, a u slučaju da je iznos sufinansiranja veći od troškova doprinosa, ostatak iznosa sufinansiranja se koristi za isplatu dijela neto plaće.

Navedeni iznos se uvećava za iznos od 400,00 KM koji se dodjeljuje odmah po potpisivanju ugovora, a služi na ime troškova ili dijela troškova za registraciju samostalne djelatnosti.

**SVE INFORMACIJE I OBAVJEŠTENJA U VEZI OVOG JAVNOG POZIVA ĆE BITI OBJAVLJENE NA ZVANIČNOJ WEB STRANICI OPĆINE ILIDŽA TE UČESNICI PO OVOM JAVNOM POZIVU NEĆE BITI POJEDINAČNO OBAVIJEŠTAVANI.**

Dotadne informacije u vezi sa učešćem na Javnom pozivu možete dobiti u Službi za privredu i turizam na broj: 033/775-751 i 033/621-431.

OPĆINSKI NAČELNIK

*Nermin Muzur, magistar uprave, s.r.*